



Convocatoria de Bolsa Erasmus+ KA 131 Régime MODULAR e DISTANCIA: FCT (1º trimestre curso 23/24)

O programa Erasmus+, ten como obxectivo atender ás necesidades de ensino e aprendizaxe de todos os participantes en educación superior formal e en formación profesional de grao superior, calquera que sexa a duración da carreira ou cualificación, incluídos os estudos de doutorado, así como ás institucións que imparten este tipo de formación.

Os seus obxectivos específicos son apoiar a realización dun Espazo Europeo de Educación Superior e reforzar a contribución da educación superior e a formación profesional ao proceso de innovación.

Obxecto da convocatoria

Concesión de **3 bolsa Erasmus KA 131** de mobilidade de estudantes para facer prácticas en empresas da Unión Europea (SMT), en países con convenio Erasmus+ K131 dentro do programa 2022-1-ES01-KA131-HED-000056569

Destinatarios

Alumnado en **MODULAR e DISTANCIA**, matriculado no CIFP Compostela, nun **Ciclo Formativo de Grao Superior**, que vaia a realizar o módulo de Formación en Centros de Traballo (FCT) no primeiro trimestre do curso 2023-2024 e estea interesado en realizala en empresas de países da Unión Europea.

Requisitos para participar na selección

- Estar matriculado/a no CIFP Compostela nos últimos módulos da oferta dun Ciclo Formativo de Grao Superior.
- Reunir os requisitos para poder realizar a FCT¹.
- Ter a nacionalidade española ou posuír a nacionalidade dun país participante no PAP (programa de aprendizaxe permanente) ou de terceiros países, nese caso deberá acreditar que está en posesión dun permiso válido para residir en España durante o período de realización da mobilidade.
- É obrigatorio posuír un coñecemento suficiente do idioma en que se recibirá a formación no país de acollida ou en inglés (lingua vehicular de UE). Para iso realizarase unha proba de nivel lingüístico oral e escrito² en caso de non presentar a titulación oficial mínima requirida (nivel recomendado B1).
- Presentar a solicitude e documentación solicitada dentro do prazo previsto.

Contía da beca

A contía de cada beca é segundo tramo por país de:

- **1.150,00 €** para a estancia de 2,50 meses: Dinamarca, Finlandia, Irlanda, Islandia, Liechtenstein, Luxemburgo, Noruega, Reino Unido, Suecia.
- **1025,00 €** para a estancia de 2,50 meses: Alemaña, Austria, Bélxica, Chipre, Francia, Grecia, Italia, Malta, Países Baixos, Portugal.
- **900,00 €** para a estancia de 2,50 meses: Bulgaria, Croacia, Eslovaquia, Eslovenia, Estonia, Hungría, Letonia, Lituania, Polonia, República Checa, República de Macedonia do Norte, Romanía, Serbia, Turquía. .

Trátase dunha axuda económica para todo o período e todos os conceptos (desprazamento, aloxamento, manutención, seguro, etc.) sen prexuízo das axudas complementarias que no seu caso convoquen outras Administracións (exemplo: Consellaría de Cultura, Educación e Universidade).

¹ A duración da mobilidade para FCT será sempre de 75 días.

² Valoraranse os coñecementos do idioma de país de destino, mediante achega da certificación oficial correspondente (mínimo B1 ou equivalente. B1: 1 punto, B2: 2 puntos, C1 ou máis: 3 puntos). En caso de non ter ningunha certificación das anteriormente citadas valoraranse coñecementos de inglés (como lingua habitual no entorno europeo), mediante achega da certificación correspondente (B1: 1 punto, B2: 2 puntos, C1 ou máis: 3 puntos) ou proba.





Período de estancia

Duración de 2,5 meses (75 días) da bolsa no que se inclúe todo o período da FCT.

O tempo de estadia de formación na empresa é sempre o estimado no convenio Erasmus+ KA131 coa mesma, así como o indicado no convenio asinado co alumno/a e o CIFP Compostela, **independentemente da duración do módulo de FCT.**

País e empresa de destino

O equipo docente e o titor, xunto co coordinador de Erasmus+, de acordo co propio beneficiario determinarán o país e a empresa de destino, preferentemente entre as seguintes ofertas :

Nº mobilidades	Posibles países de destino	Ciclo formativo
1	Italia	CS Xestión de Aloxamentos Turísticos
1	Portugal	CS Educación Infantil
1	Bélxica/Alemaña	C.S. Dirección Cocíña

Nota: Trátase dunha estimación de países que pode variar en función da posibilidade de colaboración da empresa segundo datas da mobilidade.

**O 10% das prazas para persoas con discapacidade que de non cubrirse pasa a quenda libre*

Prazo de presentación de solicitudes

O prazo de presentación de solicitudes será dende o **10 de maio 2023 ata o 2 de xuño 2023.**

Documentos necesarios para participar no proceso de selección

- Solicitude de participación (deberá baixarse na web do centro: www.cifpcompostela.gal (Páxina inicio/Noticias/Novidades ou O Centro/Programas Internacionais/ Erasmus+ KA 131) copia do DNI ou equivalente e certificado de idiomas se fose o caso.
- A solicitude, xunto coa documentación anterior, débese entregar na secretaría do CIFP Compostela, dentro do prazo establecido.

Criterios de selección e valoración dos candidatos

Para a valoración das solicitudes e a adxudicación das becas, o alumnado pasará un proceso de selección no que se valorará:

PUNTUACIÓN PARA ACCESO Á BECA			% TOTAL	Media	NOTA
1	Expediente académico (1)	Mínimo media de 6,00	40 %		
2	Coñecemento de idiomas (2)	Mínimo nivel recomendable, equivalente a B1 (Proba de Inglés / Certificación oficial)	30 %		
3	Grao de comunicación, autonomía persoal, responsabilidade, madurez e motivación. Mínimo 5,00 puntos (3)		30 %		
TOTAL PUNTUACIÓN			100 %		

(1)- Baremarase unicamente aquel alumnado que teña superados todos os módulos.

(2)- Valoración efectuada polo departamento de línguas estranxeiras.

(3)- Valoración efectuada polo equipo docente do alumno/a.

Valoraranse os coñecementos do idioma de país de destino, mediante achega da certificación oficial correspondente (mínimo B1 ou equivalente, no caso de que o certificado non teña cualificación numérica, terase en conta como segue: B1 ou menos: 1 punto, B2: 2 puntos e C1 ou superior: 3 puntos. Máximo: 3 puntos). En caso de non ter ningunha certificación das anteriormente citadas valoraranse coñecementos de inglés (como lingua habitual no entorno europeo), mediante achega da certificación correspondente (B1: 1 punto, B2: 2 puntos, C1 ou máis: 3 puntos) ou proba.

Unha vez valoradas todas as solicitudes publicarase a resolución no taboleiro de anuncios e na páxina web do centro, www.cifpcompostela.gal. Contra esta resolución os interesados poderán presentar unha solicitude de revisión, ante a Dirección do Centro, no prazo de 10 días hábiles contados a partires da data de publicación.

Lista de reserva:





No caso de alumnado en **lista de reserva**, para garantir o criterio de equidade e igualdade, respectando a oferta e equilibrio entre os distintos ciclos e departamentos o procedemento a seguir será o seguinte:

No caso de non se cubrir algunha praza (por falta de solicitudes ou renuncia), pasarase a elección:

1. Do alumno/a con maior puntuación e ciclo no que queda a praza vacante.

No caso de non haber alumnado dese ciclo, pasarase ao:

2. Alumno/a con maior puntuación e Departamento ao que pertenza o ciclo no que queda a praza non cuberta.

De non ter alumnado dese Departamento pasarase a:

3. Aquel alumno/a que teña maior puntuación na lista de agarda.

Neste último, caso de ter varios alumnos/as con mellor puntuación no mesmo ciclo, primará o reparto por ciclos, non asignando dúas prazas a un ciclo cando existan listado de reserva en máis ciclos.

Empate

No caso de **empate**, ante alumnado coa mesma puntuación para unha mesma praza, terase en conta para o desempate:

Promoción da igualdade entre mulleres e homes, maior puntuación no expediente académico, maior puntuación na valoración do equipo docente, maior puntuación na proba de idiomas e sorteo final se fose necesario.

Recoñecemento das prácticas

A mobilidade Erasmus+ KA131 para prácticas permite a realización de toda a FCT nun país da Unión Europea cos mesmos efectos de recoñecemento que si se realizara nunha empresa española.

O CIFP Compostela recoñecerá académicamente o período de prácticas, sempre que se alcancen os logros acordados por ambas partes no programa formativo, rexistrarse tamén o Certificado de Mobilidade Europass e o Suplemento Europeo ao Título.

Renuncias

Se unha/un alumna/o resulta beneficiada/o coa beca Erasmus+, non se admitirá renuncia da praza despois do 14 de xullo.

